

à Juliano Antecessore cognominato, & invenies eandem constitutionem ab eo abscrite illo ad Joannem Pontificem titulo esse conscriptam, hacque tantum inscriptione notatam: *Edictum piissimi Imperatoris Justiniani, fidei confessionem continens, & refutationem hæresion, quæ adversantur Catholicæ Dei Ecclesiæ.* Hæc habet titulus, qui in collectione Conciliorum apposito Joannis Papæ nomine adulteratus est ab imperito librario: cum liquido constet, minime ante præsens tempus potuisse esse conscriptum libellum, illum præcedentibus primùm quæ dictæ sunt Theodori cum Pelagio diacono controversis, quæ sub Papa Vigilio & non alio contigerunt. Quod igitur in dicto libello totius obortæ discordiæ ob tria capitula cardo vertitur, in quo plerisque scimus hallucinatos esse: illum ipsum prolixum satis hic aliqua saltem ex parte reddere, operæ pretium existimamus; sic enim se habet (a):

(a) Tom. I.
Conc. vet.
edit. in fo.
annæ 2.
Papa.

XI.
Confessio
fidei ab
Imperato-
re edita.

Scientes quod nihil aliud sic potest misericordem Deum placare, quam ut omnes Christiani unum idemque sapiant in recta & immaculata fide, nec sint dissensiones in sancta Dei Ecclesia: necessarium putavimus, omnem occasionem interimentes eis qui scandalizantur vel scandalizant, rectæ fidei confessionem, quæ in sancta Dei Ecclesia predicatur, præsentis edicto facere manifestam: ut & illi qui rectam fidem consentent, firmiter eam custodiant; & illi qui adversus eam contendunt, discentes veritatem, semetipsos unire sanctæ Dei Ecclesiæ.

XII.
Trinitatis
Mysterium.

Constituimus igitur credere in Patrem & Filium & Spiritum sanctum, Trinitatem consubstantialiam, unam Deitatem, sive naturam, & substantiam & virtutem & potestatem in tribus subsistentiis sive personis adorantes, in quibus baptizati sumus, in qua credimus, & quibus confessionem dedimus, proprietates quidem separantes, Deitatem autem unientes: unitatem enim in Trinitate & Trinitatem in unitate adoramus, mirabilem habentem & divisionem & unionem: unitatem quidem secundum rationem substantiæ, sive Deitatis, Trinitatem autem secundum proprietates vel subsistentias sive personas: Dividitur enim sine divisione (ut

sic dicamus) & conjungitur divisa. Unum enim est Deitas in tribus, & tria unum, in quibus Deitas est. Aut (ut subtilius dicamus) ipsa trina est Deitas, Deus Pater, Deus Filius, & Deus Spiritus sanctus, cum unaquæque persona solum intelligitur, mente separante inseparabilia. Et ita unus Deus cum simul intelligitur propter eandem virtutem, eandemque naturam, quam oportet & unum Deum confiteri, & tres subsistentias predicare, seu tres personas, & unamquamque cum sua proprietate. Et unitatem consentientes, confusionem non facimus secundum Sabellium dicentem, Trinitatem unam esse personam, trinomium eundem Patrem & Filium & Spiritum sanctum; nec dividentes proprietates, alienamus a Dei Patris substantia Filium & Spiritum sanctum secundum Arianorum, in tres diversos naturas incidentes Deitatem. Unus igitur Deus Pater ex quo omnia, & unus unigenitus Filius per quem omnia, & unus Spiritus sanctus in quo omnia.

Credimus autem ipsum unigenitum Filium Dei, Deum verbum ante secula & sine tempore ex patre natum, non factum, in ultimis diebus propter nos, & propter nostram salutem descendisse de caelis, & incarnatum esse de Spiritu sancto & sancta gloriosa Dei genitrice semper Virgine Maria, & natum ex ipsa, qui est Dominus Jesus Christus, unus de Trinitate, & consubstantialis Deo Patri secundum Deitatem, & consubstantialis nobis idem ipse secundum humanitatem, passibilis carne, impassibilis idem ipse Deitate. Non enim alius quidam est præter Deum Verbum, qui passionem & mortem suscepit, sed ipse impassibilis & sempiternus Deus Verbum, generationem carnis humana sustinere dignatus implevit omnia. Ideo non alium Deum Verbum esse qui miracula operatus est, & alium Christum qui passus est cognoscimus, sed unum eundemque Dominum nostrum Jesum Christum Dei Verbum incarnatum & hominem factum, & ejusdem ipsius miracula & passiones, quas carne voluntarie sustinuit, constituimus. Non enim homo aliquis pro nobis semetipsum dedit: sed ipse Deus Verbum suum corpus pro-

XIII.
Christi
humani-
tatis ex-
acta discus-
sio.

PAGIUS

Ecclesia Diptychis ejus nomen, sicut gesta in eadem Civitate abud Concilium Episcoporum illius Provincia consecrata ostendunt. Hoc autem Concilium anno DL. celebratum, & recitatur in Synodo V. A. V. ejusque initium est: Imperii divini & piissimi D. N. Fl. Justiniani perpe Aug. Imperatoris. Anno XXIII. post Consul. Basilii V. C. anno IX. mensis Junii XVII. instantis XIII. Indict. in Mopsuestia colonia, &c. ubi loco, anno XXIII. legendum, anno XXIV. ut Balusius in Nova Collect. Concil. pag. 152. in veteribus Libris haberi observat, & Indi-

ctio XIII. cum mense Junio conjuncta ostendit. Ubi obiter observabis, instantem Indict. XIII. idem esse ac præsentem, ut anno DCXXX. fufe explicabo. Præterea Facundus lib. 4. cap. 4. scribit in illo Justiniani Edicto hæc inserta fuisse; si quis dicit, hæc nos ad abolendos, aut excludendos Sanctos Patres, qui in Chalcedonensi fuere Concilio dixisse, anathema sit. Quæ sane verba in Edicto Justiniani a Baronio recitato non continentur: primùm itaque Justiniani Edictum contra tria Capitula ad nos non pervenit. In quo ea sita fuerint, exposui anno DXXXVIII. num. XX.

Stc-